


# 往生禮讚

---



《往生禮讚》組織圖表



## 往生禮讚偈 一卷

沙門 善導 集記

壹、前序

一、略述造意

具題

出讚體

勸一切眾生成願生西方極樂世界阿彌陀佛國，六時禮讚偈。  
謹依《大經》及龍樹、天親、此土沙門等所造往生禮讚，集在一處，分作六時。

示造意

敘六時

唯欲相續繫心，助成往益；亦願曉悟未聞，遠沾遐代耳。何者？  
第一，謹依《大經》釋迦及十方諸佛讚歎彌陀十二光名，勸稱、禮、念，定生彼國；十九拜，當日沒時禮。

第二，謹依《大經》，採集要文，以為禮讚偈；二十四拜，當初夜時禮。

第三，謹依龍樹菩薩《願往生禮讚偈》；十六拜，當中夜時禮。  
第四，謹依天親菩薩《願往生禮讚偈》；二十拜，當後夜時禮。

二、釋顯要義

(一) 心行業

第五，謹依彥琮法師《願往生禮讚偈》；二十一拜，當晨朝時禮。  
第六，沙門善導《願往生禮讚偈》，謹依十六觀作；二十拜，當午時禮。

問曰：今欲勸人往生者，未知若為「安心、起行、作業」定得往生彼國土也？

答曰：必欲生彼國土者，如《觀經》說者，「具三心必得往生」。何等為三？

1. 安心  
三心

(1) 至誠心

一者「至誠心」。所謂身業禮拜彼佛，口業讚歎稱揚彼佛，意業專念觀察彼佛。凡起三業，必須真實，故名至誠心。

(2) 深心

二者「深心」。即是真實信心：信知自身是具足煩惱凡夫，善根薄少，流轉三界，不出火宅；今信知彌陀本弘誓願，及稱名號，下至十聲、一聲等，定得往生。乃至一念無有疑心，故名深心。

(3) 迴向發願心

三者「迴向發願心」。所作一切善根，悉皆迴願往生，故名迴向

發願心。

具此三心，必得生也；若少一心，即不得生。如《觀經》（《觀經四帖疏》）具說，應知。

又如天親《淨土論》云：若有願生彼國者，勸修「五念門」，五念門若具，定得往生。何者為五？

(1) 禮拜門。所謂一心專至，恭敬合掌，香華供養，禮拜彼阿彌陀佛；禮，即專禮彼佛，畢命為期，不雜餘禮；故名禮拜門。

(2) 讚歎門。所謂專意讚歎彼佛身相光明、一切聖眾身相光明，及彼國中一切寶莊嚴光明等；故名讚歎門。

(3) 觀察門。所謂專意念、觀彼佛，及一切聖眾身相光明、國土莊嚴等，如《觀經》說；唯除睡時，恆憶、恆念、恆想、恆觀此事等；故名觀察門。

(4) 作願門。所謂專心——若晝，若夜，一切時，一切處，

具三必生  
少一不生

2. 起行

五念門

(1) 禮拜門

專禮

(2) 讚歎門

專讚

(3) 觀察門

專憶

(4) 作願門  
專願

(5) 迴向門  
專迴向  
往相迴向

三業、四威儀所作功德，不問初、中、後，皆須真實心中發願願生彼國：故名作願門。

五者「迴向門」。所謂專心——若自作善根，及一切三乘、五道，一一聖凡等所作善根，深生隨喜，如諸佛菩薩所作隨喜，我亦如是隨喜；以此隨喜善根，及己所作善根，皆悉與眾生共之，迴向彼國：故名迴向門。

還相迴向  
與三心合  
名真實業  
作業  
四修

又，到彼國已，得六神通，迴入生死，教化眾生，徹窮後際，心無厭足，乃至成佛，亦名迴向門。

五門既具，定得往生。一一門與上三心合，隨起業行，不問多少，皆名真實業也，應知。

3. 名真實業  
作業  
四修

又，勸行「四修法」，用策三心、五念之行，速得往生。何者為四？

一者「恭敬修」。所謂恭敬禮拜彼佛，及彼一切聖眾等，故名恭敬修。畢命為期，誓不中止，即是「長時修」。

(1) 恭敬修

(2) 無餘修

二者「無餘修」。所謂專稱彼佛名，專念、專想、專禮、專讚彼佛及一切聖眾等，不雜餘業，故名無餘修。畢命為期，誓不中止，即是「長時修」。

(3) 無間修

三者「無間修」。所謂相續恭敬禮拜、稱名讚歎、憶念觀察、迴向發願，心心相續，不以餘業來間，故名無間修；又不以貪瞋煩惱來間，隨犯隨懺，不令隔念、隔時、隔日，常使清淨，亦名無間修。畢命為期，誓不中止，即是「長時修」。

(4) 長時修

菩薩二利行

凡夫二利行

又，菩薩已免生死，所作善法，迴求佛果，即是自利；教化眾生，盡未來際，即是利他。然今時眾生，悉為煩惱繫縛，未免惡道生死等苦。隨緣起行，一切善根具速迴，願往生阿彌陀佛國。到彼國已，更無所畏，如上四修，自然任運，自利利他，無不具足，應知。

又如《文殊般若》

(卷下意)

云「明一行三昧，唯勸獨處空閒，捨諸

(二) 專稱佛名  
一行三昧

亂意，繫心一佛，不觀相貌，專稱名字；即於念中，得見彼阿彌陀佛

1. 觀稱難易  
問答

及一切佛等」。

問曰：何故不令作觀，直遣專稱名字者，有何意也？

答曰：乃由眾生障重，境細心粗，識颺神飛，觀難成就也。是以大聖悲憐，直勸專稱名字，正由稱名易故，相續即生。

2. 境現一多  
問答

問曰：既遣專稱一佛，何故境現即多？此豈非邪正相交、一多雜現也？

答曰：佛佛齊證，形無二別。縱使念一見多，乖何大道理也？

示向西軌

又如《觀經》云，佛勸坐觀、禮念等，皆須面向西方者最勝。如樹先傾，倒必隨曲故。必有事礙，不及向西方，但作向西想亦得。

3. 專勸彌陀  
問答

問曰：一切諸佛，三身同證，悲智果圓，亦應無二；隨方禮念，課稱一佛，亦應得生。何故偏歎西方，勸專禮念等，有何義也？

諸佛所證平等  
彌陀別有重願  
光號攝化

答曰：諸佛所證，平等是一；若以願行來收，非無因緣。然彌陀世尊，本發深重誓願，以光明名號攝化十方，但使信心求念，上盡一



專勸深由

形，下至十聲、一聲等，以佛願力，易得往生。是故釋迦及以諸佛勸向西方，為別異耳。亦非是稱念餘佛不能除障滅罪也，應知。

(三) 專雜得失

專修四得

若能如上念念相續，畢命為期者，十即十生，百即百生。何以故？無外雜緣得正念故；與佛本願得相應故；不違教故；隨順佛語故。

雜修十三失

若欲捨專修雜業者，百時稀得一一，千時稀得三五。何以故？乃由雜緣亂動失正念故；與佛本願不相應故；與教相違故；不順佛語故；繫念不相續故；憶想間斷故；迴願不懇重真實故；貪瞋諸見煩惱來間斷故；無有慚愧懺悔心故；（懺悔有三品：一要、二略、三廣。如下具說，隨意用皆得。）又不相續念報彼佛恩故；心生輕慢，雖作業行，常與名利相應故；人我自覆，不親近同行善知識故；樂近雜緣，自障障他往生正行故。

舉自見聞證

專雜得失

何以故？余比日自見聞：諸方道俗，解行不同，專雜有異。但使專意作者，十即十生；修雜不至心者，千中無一。此二行得失，如前已辨。

舉勝益結勸

仰願一切往生人等，善自思量。已能今身願生彼國者，行住坐臥，必須勵心克己，晝夜莫廢，畢命為期。上在一形，似如少苦；前念命終，後念即生彼國。長時永劫，常受無為法樂，乃至成佛，不經生死，豈非快哉！應知。

貳、正讚

一、日沒禮讚

<sup>1</sup> 第一，謹依《大經》，釋迦佛勸禮讚阿彌陀佛十二光名，求願往生；一十九拜，當日沒時禮。取中下懺悔亦得。

(一) 禮讚

禮此土三寶

迴願禮

<sup>1</sup> 南無釋迦牟尼佛等一切三寶。

我今稽首禮，迴願往生無量壽國。

此之一佛，現是今時道俗等師；言三寶者，即是福田無量，若能禮之一拜，即是念報師恩，以成己行。以斯一行，迴願往生。

禮十方三寶

<sup>2</sup>南無十方三世盡虛空遍法界微塵刹土中一切三寶。

迴願禮

我今稽首禮，迴願往生無量壽國。

然十方虛空無邊，三寶無盡，若禮一拜，即是福田無量，功德無窮。能至心禮之一拜，一一佛上、一一法上、一一菩薩聖僧上、一一舍利上，皆得身口意業解脫分善根，來資益行者，以成己業。以斯一行，迴願往生。

別禮彌陀

<sup>3</sup>南無西方極樂世界阿彌陀佛。

歸命禮

願共眾生咸歸命，故我頂禮生彼國。

彌陀名義問答

問曰：何故號阿彌陀？

唯攝念佛  
故名彌陀

答曰：《彌陀經》及《觀經》云：「彼佛光明無量，照十方國，

無所障礙，唯觀念佛眾生，攝取不捨，故名阿彌陀。彼佛壽命及

其人民，無量無邊阿僧祇劫，故名阿彌陀。」

又，釋迦佛及十方佛，讚歎彌陀光明有十二種名，普勸眾生稱名禮拜，相續不斷者，現世得無量功德，命終之後定得往生。如《無量壽經》（卷上意）說云「其有眾生，遇斯光者，三垢消滅，身意柔軟，歡喜踴躍，善心生焉；若在三塗勤苦之處，見此光明，無復苦惱，壽終之後，皆蒙解脫；無量壽佛，光明顯赫，照耀十方，諸佛國土，莫不聞焉；不但我今稱其光明，一切諸佛、聲聞、緣覺、諸菩薩眾咸共歎譽，亦復如是；若有眾生，聞其光明威神功德，日夜稱說，至心不斷者，隨其所願，得生其國；常為諸菩薩、聲聞之眾所共歎譽，稱其功德。佛言：我說無量壽佛光明威神巍巍殊妙，晝夜一劫尚不能盡」。

白諸行者，當知彌陀身相光明，釋迦如來一劫說不能盡者，如《觀經》云「一一光明，遍照十方世界，念佛眾生攝取不捨」。

相續稱念

今既《觀經》有如此不思議增上勝緣攝護行者，何不相續稱、

觀、禮、念願往生？應知。

無量光佛

<sup>4</sup>南無西方極樂世界無量光佛。

願共眾生咸歸命，故我頂禮生彼國。

無邊光佛

<sup>5</sup>南無西方極樂世界無邊光佛。

願共眾生咸歸命，故我頂禮生彼國。

無礙光佛

<sup>6</sup>南無西方極樂世界無礙光佛。

願共眾生咸歸命，故我頂禮生彼國。

無對光佛

<sup>7</sup>南無西方極樂世界無對光佛。

願共眾生咸歸命，故我頂禮生彼國。

炎王光佛

<sup>8</sup>南無西方極樂世界炎王光佛。

願共眾生咸歸命，故我頂禮生彼國。

清淨光佛

<sup>9</sup>南無西方極樂世界清淨光佛。

歡喜光佛

<sup>10</sup> 願共眾生咸歸命，故我頂禮生彼國。  
南無西方極樂世界歡喜光佛。

智慧光佛

<sup>11</sup> 願共眾生咸歸命，故我頂禮生彼國。  
南無西方極樂世界智慧光佛。

不斷光佛

<sup>12</sup> 願共眾生咸歸命，故我頂禮生彼國。  
南無西方極樂世界不斷光佛。

難思光佛

<sup>13</sup> 願共眾生咸歸命，故我頂禮生彼國。  
南無西方極樂世界難思光佛。

無稱光佛

<sup>14</sup> 願共眾生咸歸命，故我頂禮生彼國。  
南無西方極樂世界無稱光佛。

超日月光佛

<sup>15</sup> 願共眾生咸歸命，故我頂禮生彼國。  
南無西方極樂世界超日月光佛。

願共眾生咸歸命，故我頂禮生彼國。

<sup>16</sup>南無西方極樂世界阿彌陀佛。

重請攝護

哀愍覆護我，令法種增長，  
此世及後生，願佛常攝受。

願共眾生咸歸命，故我頂禮生彼國。

禮觀世音

<sup>17</sup>南無西方極樂世界觀世音菩薩。

願共眾生咸歸命，故我頂禮生彼國。

禮大勢至

<sup>18</sup>南無西方極樂世界大勢至菩薩。

願共眾生咸歸命，故我頂禮生彼國。

報恩故禮

此二菩薩，一切眾生臨命終時，共持華臺，授與行者。阿彌陀佛，放大光明，照行者身；復與無數化佛菩薩、聲聞大眾等，一時授手。如彈指頃，即得往生。為報恩故，至心禮之一拜。

禮諸菩薩

<sup>19</sup>南無西方極樂世界諸菩薩清淨大海眾。

願共眾生咸歸命，故我頂禮生彼國。

此等諸菩薩，亦隨佛來迎接行者。為報恩故，至心禮之一拜。

(二) 懺悔

普為師僧、父母，及善知識、法界眾生，斷除三障，同得往生阿彌陀佛國，歸命懺悔。

要懺

至心懺悔：

1. 懺悔

南無懺悔十方佛，願滅一切諸罪根。

2. 迴向

今將久近所修善，迴作自他安樂因。

3. 發願

恆願一切臨終時，勝緣勝境悉現前。

願睹彌陀大悲主，觀音勢至十方尊。

仰願神光蒙授手，乘佛本願生彼國。

4. 結歸命彌陀

懺悔迴向發願已，至心歸命阿彌陀佛。

作梵

次作梵竟，說偈發願（出《寶性論》）：

(三) 發願

禮懺諸功德，願臨命終時，見無量壽佛，無邊功德身。

我及餘信者，既見彼佛已，願得離垢眼，往生安樂國，



成無上菩提。

禮懺已，一切恭敬：

歸佛得菩提，道心恆不退，願共諸眾生，迴願往生無量壽國。  
歸法薩婆若，得大總持門，願共諸眾生，迴願往生無量壽國。  
歸僧息諍論，同入和合海，願共諸眾生，迴願往生無量壽國。  
願諸眾生，三業清淨，奉持佛教，和南一切賢聖。  
願共諸眾生，迴願往生無量壽國。

(五) 無常偈

諸眾等聽說日沒無常偈：

1. 日沒偈  
(1) 說偈

人間匆匆營眾務，不覺年命日夜去。  
如燈風中滅難期，忙忙六道無定趣。  
未得解脫出苦海，云何安然不驚懼。  
各聞強健有力時，自策自勵求常住。

(2) 發願

說此偈已，更當心口發願：

發願文  
往相七願

還相發願

願弟子等，臨命終時：心不顛倒，心不錯亂，心不失念；身心無諸苦痛，身心快樂，如入禪定；聖眾現前。乘佛本願，上品往生阿彌陀佛國。到彼國已，得六神通，入十方界，救攝苦眾生。虛空法界盡，我願亦如是。

(3) 結歸命彌陀

發願已，至心歸命阿彌陀佛。

初夜偈云：（《菩薩處胎經》）

2. 初夜偈

煩惱深無底，生死海無邊。

度苦船未立，云何樂睡眠？

勇猛勤精進，攝心常在禪。

中夜偈云：（《坐禪三昧經》）

3. 中夜偈

汝等勿抱臭屍臥，種種不淨假名人。

如得重病箭入體，眾苦痛集安可眠？

4. 後夜偈

後夜偈云：（《華嚴經》）

時光遷流轉，忽至五更初。  
無常念念至，恆與死王居。  
勸諸行道者，勤修至無餘。

平旦偈云：（《摩訶僧祇律》）

5. 平旦偈

欲求寂滅樂，當學沙門法。  
衣食支身命，精粗隨眾得。  
諸眾等，今日晨朝各誦六念。

日中偈云：（《屍迦羅衛經》）

6. 日中偈

人生不精進，喻若樹無根。  
採華置日中，能得幾時鮮？  
人命亦如是，無常須臾間。  
勸諸行道眾，勤修乃至真。

二、初夜禮讚

(一)禮讚

<sup>2</sup> 第二，沙門善導謹依《大經》，採集要文，以為禮讚偈；二十四拜，當初夜時禮。懺悔同前後。

禮

<sup>1</sup> 南無至心歸命禮西方阿彌陀佛。

讚

彌陀智願海，深廣無涯底，

名號攝化

聞名欲往生，皆悉到彼國。

迴向

願共諸眾生，往生安樂國。

<sup>2</sup> 南無至心歸命禮西方阿彌陀佛。

此土往生一

於此世界中，六十有七億，

不退諸菩薩，皆當得生彼。

願共諸眾生，往生安樂國。

<sup>3</sup> 南無至心歸命禮西方阿彌陀佛。

此土往生二

小行諸菩薩，及修少福者，

其數不可計，皆當得生彼。

他土往生

<sup>4</sup> 願共諸眾生，往生安樂國。  
<sup>4</sup> 南無至心歸命禮西方阿彌陀佛。

十方佛剎中，菩薩比丘眾，  
窮劫不可計，皆當得生彼。

願共諸眾生，往生安樂國。

<sup>5</sup> 南無至心歸命禮西方阿彌陀佛。

恭敬申供

一切諸菩薩，各齋天妙華，  
寶香無價衣，供養彌陀佛。

願共諸眾生，往生安樂國。

<sup>6</sup> 南無至心歸命禮西方阿彌陀佛。

天樂歌歎

咸然奏天樂，暢發和雅音，  
歌歎最勝尊，供養彌陀佛。

願共諸眾生，往生安樂國。

三業敬禮

<sup>7</sup>南無至心歸命禮西方阿彌陀佛。

慧日照世間，消除生死雲，

恭敬繞三匝，稽首彌陀尊。

願共諸眾生，往生安樂國。

<sup>8</sup>南無至心歸命禮西方阿彌陀佛。

見彼嚴淨土，微妙難思議，

因發無上心，願我國亦然。

願共諸眾生，往生安樂國。

<sup>9</sup>南無至心歸命禮西方阿彌陀佛。

應時無量尊，動容發欣笑，

口出無數光，遍照十方國。

願共諸眾生，往生安樂國。

<sup>10</sup>南無至心歸命禮西方阿彌陀佛。

佛光遍照

見土發願

人天歡喜

迴光圍繞身，三匝從頂入，  
一切天人眾，踴躍皆歡喜。  
願共諸眾生，往生安樂國。

<sup>11</sup>南無至心歸命禮西方阿彌陀佛。

梵聲說法

梵聲如雷震，八音暢妙響，  
十方來正士，吾悉知彼願。  
願共諸眾生，往生安樂國。

<sup>12</sup>南無至心歸命禮西方阿彌陀佛。

得通授記

至彼嚴淨國，便速得神通，  
必於無量尊，受記成等覺。  
願共諸眾生，往生安樂國。

<sup>13</sup>南無至心歸命禮西方阿彌陀佛。

如意供佛

奉事億如來，飛化遍諸刹，

恭敬歡喜去，還到安養國。

願共諸眾生，往生安樂國。

<sup>14</sup>南無至心歸命禮西方阿彌陀佛。

聞由宿善

若人無善本，不得聞佛名，

信由謙敬

憍慢弊懈怠，難以信此法。

願共諸眾生，往生安樂國。

<sup>15</sup>南無至心歸命禮西方阿彌陀佛。

謙敬奉行

宿世見諸佛，則能信此事，

謙敬聞奉行，踴躍大歡喜。

願共諸眾生，往生安樂國。

<sup>16</sup>南無至心歸命禮西方阿彌陀佛。

念佛皆生

其有得聞彼，彌陀佛名號，

歡喜至一念，皆當得生彼。



過火聞名

願共諸眾生，往生安樂國。  
南無<sup>17</sup>至心歸命禮西方阿彌陀佛。

設滿大千火，直過聞佛名，  
聞名歡喜讚，皆當得生彼。

願共諸眾生，往生安樂國。

南無<sup>18</sup>至心歸命禮西方阿彌陀佛。

萬年三寶滅，此經住百年，  
爾時聞一念，皆當得生彼。

願共諸眾生，往生安樂國。

南無<sup>19</sup>至心歸命禮西方阿彌陀佛。

佛世甚難值，人有信慧難，  
遇聞稀有法，此復最為難。  
願共諸眾生，往生安樂國。

聞名速信

特留念佛

教化報恩

<sup>20</sup>南無至心歸命禮西方阿彌陀佛。

自信教人信，難中轉更難，

大悲傳普化，真成報佛恩。

願共諸眾生，往生安樂國。

<sup>21</sup>南無至心歸命禮西方阿彌陀佛。

哀愍覆護我，令法種增長，

此世及後生，願佛常攝受。

願共諸眾生，往生安樂國。

<sup>22</sup>南無至心歸命禮西方極樂世界觀世音菩薩。

願共諸眾生，往生安樂國。

<sup>23</sup>南無至心歸命禮西方極樂世界大勢至菩薩。

願共諸眾生，往生安樂國。

<sup>24</sup>南無至心歸命禮西方極樂世界諸菩薩清淨大海眾。

禮諸菩薩

禮大勢至

禮觀世音

重請攝護

(二) 懺悔

願共諸眾生，往生安樂國。  
普為師僧、父母，及善知識、法界眾生，斷除三障，同得往生阿彌陀佛國，歸命懺悔。

三、中夜禮讚

<sup>3</sup> 第三，謹依龍樹菩薩《願往生禮讚偈》；一十六拜，當中夜時禮。懺悔同前後。

(一) 禮讚

總讚佛德

<sup>1</sup> 南無至心歸命禮西方阿彌陀佛。

稽首天人所恭敬，阿彌陀佛兩足尊，  
在彼微妙安樂國，無量佛子眾圍繞。

願共諸眾生，往生安樂國。

<sup>2</sup> 南無至心歸命禮西方阿彌陀佛。

讚色心相好  
金色身淨如山王，奢摩他行如象步，  
兩目淨若青蓮華，故我頂禮彌陀尊。

讚面相音聲

願共諸眾生，往生安樂國。

<sup>3</sup>南無至心歸命禮西方阿彌陀佛。

面善圓淨如滿月，威光猶如千日月，  
聲如天鼓俱翅羅，故我頂禮彌陀尊。

願共諸眾生，往生安樂國。

<sup>4</sup>南無至心歸命禮西方阿彌陀佛。

讚觀音頂佛

觀音頂戴冠中住，種種妙相寶莊嚴，  
能伏外道魔憍慢，故我頂禮彌陀尊。

願共諸眾生，往生安樂國。

<sup>5</sup>南無至心歸命禮西方阿彌陀佛。

讚二利功德

無比無垢廣清淨，眾德皎潔如虛空，  
所作利益得自在，故我頂禮彌陀尊。

願共諸眾生，往生安樂國。

<sup>6</sup> 南無至心歸命禮西方阿彌陀佛。

讚魔亦歎佛  
十方名聞菩薩眾，無量諸魔常讚歎，  
為諸眾生願力住，故我頂禮彌陀尊。

願共諸眾生，往生安樂國。

<sup>7</sup> 南無至心歸命禮西方阿彌陀佛。

讚彌陀華座  
金底寶間池生華，善根所成妙臺座，  
於彼座上如山王，故我頂禮彌陀尊。

願共諸眾生，往生安樂國。

<sup>8</sup> 南無至心歸命禮西方阿彌陀佛。

讚菩薩往觀  
十方所來諸佛子，顯現神通至安樂，  
瞻仰尊顏常恭敬，故我頂禮彌陀尊。

願共諸眾生，往生安樂國。

讚彌陀說法

<sup>9</sup>南無至心歸命禮西方阿彌陀佛。

諸有無常無我等，亦如水月電影露，  
為眾說法無名字，故我頂禮彌陀尊。  
願共諸眾生，往生安樂國。

<sup>10</sup>南無至心歸命禮西方阿彌陀佛。

彼尊佛剎無惡名，亦無女人惡道怖，  
眾人至心敬彼尊，故我頂禮彌陀尊。  
願共諸眾生，往生安樂國。

讚淨土勝相

<sup>11</sup>南無至心歸命禮西方阿彌陀佛。

彼尊無量方便境，無有諸趣惡知識，  
往生不退至菩提，故我頂禮彌陀尊。  
願共諸眾生，往生安樂國。

讚往生不退

<sup>12</sup>南無至心歸命禮西方阿彌陀佛。

龍樹迴向偈

我說彼尊功德事，眾善無邊如海水，  
所獲善根清淨者，迴施眾生彼國。

願共諸眾生，往生安樂國。

<sup>13</sup>南無至心歸命禮西方阿彌陀佛。

重請攝護

哀愍覆護我，令法種增長，  
此世及後生，願佛常攝受。

願共諸眾生，往生安樂國。

禮觀世音

<sup>14</sup>南無至心歸命禮西方極樂世界觀世音菩薩。

願共諸眾生，往生安樂國。

禮大勢至

<sup>15</sup>南無至心歸命禮西方極樂世界大勢至菩薩。

願共諸眾生，往生安樂國。

禮諸菩薩

<sup>16</sup>南無至心歸命禮西方極樂世界諸菩薩清淨大海眾。

願共諸眾生，往生安樂國。

(二) 懺悔

普為師僧、父母，及善知識、法界眾生，斷除三障，同得往生阿彌陀佛國，歸命懺悔。

略懺

至心懺悔：

1. 懺悔

自從無始受身來，恆以十惡加眾生，不孝父母謗三寶，造作五逆不善業。以是眾罪因緣故，妄想顛倒生纏縛，應受無量生死苦，頂禮懺悔願滅除。

結歸命彌陀

懺悔已，至心歸命阿彌陀佛。

至心勸請：

2. 勸請

諸佛大慈無上尊，恆以空慧照三界，眾生盲冥不覺知，永沒生死大苦海。為拔群生離諸苦，勸請常住轉法輪。

結歸命彌陀

勸請已，至心歸命阿彌陀佛。



3. 隨喜

至心隨喜：

歷劫以來懷嫉妒，我慢放逸由癡生，  
恆以瞋恚毒害火，焚燒智慧慈善根。  
今日思惟始惺悟，發大精進隨喜心。

結歸命彌陀

隨喜已，至心歸命阿彌陀佛。

至心迴向：

4. 迴向

流浪三界內，癡愛入胎獄，  
生已歸老死，沉沒於苦海。  
我今修此福，迴生安樂土。

結歸命彌陀

迴向已，至心歸命阿彌陀佛。

至心發願：

5. 發願

願捨胎藏形，往生安樂國，  
速見彌陀佛，無邊功德身；

結歸命彌陀

奉觀諸如來，賢聖亦復然，  
獲六神通力，救攝苦眾生。  
虛空法界盡，我願亦如是。  
發願已，至心歸命阿彌陀佛。餘悉同上法。

四、後夜禮讚

(一) 禮讚

<sup>4</sup> 第四，謹依天親菩薩《願往生禮讚偈》；二十拜，當後夜時禮。  
懺悔同前後。

讚偈之體

<sup>1</sup> 南無至心歸命禮西方阿彌陀佛。

世尊我一心，歸命盡十方，  
無礙光如來，與佛教相應。

願共諸眾生，往生安樂國。

<sup>2</sup> 南無至心歸命禮西方阿彌陀佛。

觀彼世界相，勝過三界道，  
究竟如虛空，廣大無邊際。

讚清淨與量

往生禮讚

二、正讚

4. 後夜禮讚

天親願生偈

八八五

願共諸眾生，往生安樂國。

<sup>3</sup>南無至心歸命禮西方阿彌陀佛。

讚性與形相

正道大慈悲，出世善根生，

淨光明滿足，如鏡日月輪。

願共諸眾生，往生安樂國。

<sup>4</sup>南無至心歸命禮西方阿彌陀佛。

讚事與妙色

備諸珍寶性，具足妙莊嚴，

無垢光炎熾，明淨曜世間。

願共諸眾生，往生安樂國。

<sup>5</sup>南無至心歸命禮西方阿彌陀佛。

讚水功德

寶華千萬種，彌覆池流泉，

微風動華葉，交錯光亂轉。

願共諸眾生，往生安樂國。

讚地功德

6 南無至心歸命禮西方阿彌陀佛。

宮殿諸樓閣，觀十方無礙，

雜樹異光色，寶欄遍圍繞。

願共諸眾生，往生安樂國。

7 南無至心歸命禮西方阿彌陀佛。

讚虛空功德

無量寶交絡，羅網遍虛空，

種種鈴發響，宣吐妙法音。

願共諸眾生，往生安樂國。

8 南無至心歸命禮西方阿彌陀佛。

讚妙聲與主

梵音悟深遠，微妙聞十方，

正覺阿彌陀，法王善住持。

願共諸眾生，往生安樂國。

9 南無至心歸命禮西方阿彌陀佛。

讚眷屬受用

如來淨華眾，正覺華化生，  
愛樂佛法味，禪三昧為食。

願共諸眾生，往生安樂國。

<sup>10</sup>南無至心歸命禮西方阿彌陀佛。

讚無諸難

永離身心惱，受樂常無間，  
大乘善根界，等無譏嫌名。

讚大義門

願共諸眾生，往生安樂國。

<sup>11</sup>南無至心歸命禮西方阿彌陀佛。

女人及根缺，二乘種不生，

讚所求滿足

眾生所願樂，一切能滿足。

願共諸眾生，往生安樂國。

<sup>12</sup>南無至心歸命禮西方阿彌陀佛。

無量大寶王，微妙淨華臺，

讚座功德

讚身業功德

相好光一尋，色像超群生。

願共諸眾生，往生安樂國。

<sup>13</sup>南無至心歸命禮西方阿彌陀佛。

讚大眾功德

天人不動眾，清淨智海生，

讚上首功德

如須彌山王，勝妙無過者。

願共諸眾生，往生安樂國。

<sup>14</sup>南無至心歸命禮西方阿彌陀佛。

讚主功德

天人丈夫眾，恭敬繞瞻仰，

雨天樂華衣，妙香等供養。

願共諸眾生，往生安樂國。

<sup>15</sup>南無至心歸命禮西方阿彌陀佛。

安樂國清淨，常轉無垢輪，

一念及一時，利益諸群生。

讚一念遍應

願共諸眾生，往生安樂國。

<sup>16</sup>南無至心歸命禮西方阿彌陀佛。

讚不虛作  
住持功德

讚佛諸功德，無有分別心，

能令速滿足，功德大寶海。

願共諸眾生，往生安樂國。

<sup>17</sup>南無至心歸命禮西方阿彌陀佛。

重請攝護

哀愍覆護我，令法種增長，

此世及後生，願佛常攝受。

願共諸眾生，往生安樂國。

禮觀世音

<sup>18</sup>南無至心歸命禮西方極樂世界觀世音菩薩。

願共諸眾生，往生安樂國。

<sup>19</sup>南無至心歸命禮西方極樂世界大勢至菩薩。

願共諸眾生，往生安樂國。

禮大勢至

禮諸菩薩

<sup>20</sup>南無至心歸命禮西方極樂世界諸菩薩清淨大海眾。

願共諸眾生，往生安樂國。

(二)懺悔

普為師僧、父母，及善知識、法界眾生，斷除三障，同得往生阿彌陀佛國，歸命懺悔。

五、晨朝禮讚

<sup>5</sup>第五，謹依彥琮法師《願往生禮讚偈》；二十一拜，當旦起時禮。

(一)禮讚

懺悔同前後。

<sup>1</sup>南無至心歸命禮西方阿彌陀佛。

讚依正因果

法藏因彌遠，極樂果還深。

異珍參作地，眾寶間為林。

華開稀有色，波揚實相音。

何當蒙授手，一遂往生心？

願共諸眾生，往生安樂國。

願佛授手



讚厥穢欣淨

<sup>2</sup>南無至心歸命禮西方阿彌陀佛。

濁世難還入，淨土願逾深。

金繩直界道，珠網縵垂林。

見色皆真色，聞音悉法音。

唯須念佛

莫謂西方遠，唯須十念心。

願共諸眾生，往生安樂國。

<sup>3</sup>南無至心歸命禮西方阿彌陀佛。

讚彌陀果德

已成窮理聖，真有遍空威。

在西時現小，但是暫隨機。

葉珠相映飾，砂水共澄輝。

必求極樂

欲得無生果，彼土必須依。

願共諸眾生，往生安樂國。

讚毫光寶手

<sup>4</sup>南無至心歸命禮西方阿彌陀佛。

五山毫獨朗，寶手印恆分。

地水俱為鏡，香華同作雲。

業深成易往，因淺實難聞。

必望除疑惑，超然獨不群。

願共諸眾生，往生安樂國。

必除疑惑

<sup>5</sup>南無至心歸命禮西方阿彌陀佛。

心帶真慈滿，光含法界團。

無緣能攝物，有相定非難。

華隨本心變，宮移身自安。

悌聞出世境，須共入禪看。

願共諸眾生，往生安樂國。

讚心光攝物

生信求念

<sup>6</sup>南無至心歸命禮西方阿彌陀佛。

讚迴向必生

願生意切

讚選擇極樂

有緣皆入

讚嚴界度生

迴向漸為功，西方路稍通。

寶幢承厚地，天香入遠風。

開華重布水，覆網細分空。

願生何意切，正為樂無窮。

願共諸眾生，往生安樂國。

<sup>7</sup>南無至心歸命禮西方阿彌陀佛。

欲選當生處，西方最可歸。

間樹開重閣，滿道布鮮衣。

香飯隨心至，寶殿逐身飛。

有緣皆得入，正自往人稀。

願共諸眾生，往生安樂國。

<sup>8</sup>南無至心歸命禮西方阿彌陀佛。

十劫道先成，嚴界引群萌。

敢請相迎

讚極樂有緣

繫念必生

讚極樂常住

金砂徹水照，玉葉滿枝明。  
鳥本珠中出，人唯華上生。  
敢請西方聖，早晚定相迎。  
願共諸眾生，往生安樂國。

<sup>9</sup>南無至心歸命禮西方阿彌陀佛。

十方諸佛國，盡是法王家。  
偏求有緣地，冀得早無邪。  
八功如意水，七寶自然華。  
於彼心能繫，當必往非賒。  
願共諸眾生，往生安樂國。

<sup>10</sup>南無至心歸命禮西方阿彌陀佛。

淨國無衰變，一立古今然。  
光臺千寶合，音樂八風宣。

生即不退

池多說法鳥，空滿散華天。  
得生不畏退，隨意既開蓮。  
願共諸眾生，往生安樂國。

<sup>11</sup>南無至心歸命禮西方阿彌陀佛。

讚聖眾難量

坐華非一像，聖眾亦難量。  
蓮開人獨處，波生法自揚。  
無災由處靜，不退為朋良。  
問彼前生輩，來斯幾劫強。  
願共諸眾生，往生安樂國。

深慶往生

<sup>12</sup>南無至心歸命禮西方阿彌陀佛。

讚垂救此界

光舒救毗舍，空立引韋提。  
天來香蓋捧，人去寶衣齋。  
六時聞鳥合，四寸踐華低。

唯正無迷

相看無不正，豈復有長迷？

願共諸眾生，往生安樂國。

<sup>13</sup>南無至心歸命禮西方阿彌陀佛。

讚發心繫念

普勸弘三福，咸令滅五燒。

發心功已至，繫念罪便消。

鳥華珠光轉，風好樂聲調。

但欣行易

但欣行道易，寧愁聖果遙。

願共諸眾生，往生安樂國。

<sup>14</sup>南無至心歸命禮西方阿彌陀佛。

讚珠水光臺

珠色仍為水，金光即是臺。

到時華自散，隨願華還開。

遊池更出沒，飛空互往來。

直心向彼

直心能向彼，有善並須迴。

願共諸眾生，往生安樂國。

<sup>15</sup>南無至心歸命禮西方阿彌陀佛。

讚通壽齊佛

洗心甘露水，悅目妙華雲。

同生機易識，等壽量難分。

樂多無廢道，聲遠不妨聞。

貪濁火焚

如何貪五濁，安然火自焚？

願共諸眾生，往生安樂國。

<sup>16</sup>南無至心歸命禮西方阿彌陀佛。

讚臺裏天人

臺裏天人現，光中侍者看。

懸空四寶閣，臨回七重欄。

疑多邊地久，德少上生難。

且莫論餘願，西方已心安。

願共諸眾生，往生安樂國。

西方心安

讚遊方得忍

<sup>17</sup>南無至心歸命禮西方阿彌陀佛。

六根常合道，三塗永絕名。

念頃遊方遍，還時得忍成。

地平無極廣，風長是處清。

寄言有心輩，共出一苦城。

願共諸眾生，往生安樂國。

<sup>18</sup>南無至心歸命禮西方阿彌陀佛。

哀愍覆護我，令法種增長，

此世及後生，願佛常攝受。

願共諸眾生，往生安樂國。

<sup>19</sup>南無至心歸命禮西方極樂世界觀世音菩薩。

千輪明足下，五道現光中。

悲引恆無絕，人歸亦未窮。

重請攝護

禮觀世音

觀音讚

往生禮讚

二、正讚

5. 晨朝禮讚

彥琮禮讚偈



口宣猶在定，心靜更飛通。

聞名皆願往，日發幾華叢。

願共諸眾生，往生安樂國。

禮大勢至

<sup>20</sup>南無至心歸命禮西方極樂世界大勢至菩薩。

勢至讚

慧力標無上，身光備有緣。

動搖諸寶國，持座一金蓮。

鳥群非實鳥，天類豈真天？

須知求妙樂，會是戒香全。

願共諸眾生，往生安樂國。

禮諸菩薩

<sup>21</sup>南無至心歸命禮西方極樂世界諸菩薩清淨大海眾。

願共諸眾生，往生安樂國。

(二) 懺悔

普為師僧、父母，及善知識、法界眾生，斷除三障，同得往生阿

彌陀佛國，歸命懺悔。

六、日中禮讚

(一)禮讚

<sup>6</sup>第六，沙門善導《願往生禮讚偈》，謹依十六觀作；二十拜，當日中時禮。懺悔同前後。

<sup>1</sup>南無至心歸命禮西方阿彌陀佛。

總讚極樂界

觀彼彌陀極樂界，廣大寬平眾寶成。

四十八願莊嚴起，超諸佛剎最為精。

本國他方大海眾，窮劫算數不知名。

普勸歸西同彼會，恆沙三昧自然成。

願共諸眾生，往生安樂國。

<sup>2</sup>南無至心歸命禮西方阿彌陀佛。

讚地下莊嚴

地下莊嚴七寶幢，無量無邊無數億。

八方八面百寶成，見彼無生自然悟。

無生寶國永為常，一一寶流無數光。

行者傾心常對目，騰神踴躍入西方。

願共諸眾生，往生安樂國。

<sup>3</sup>南無至心歸命禮西方阿彌陀佛。

讚地上莊嚴

地上莊嚴轉無極，金繩界道非工匠。

彌陀願智巧莊嚴，菩薩人天散華上。

寶地寶色寶光飛，一一光成無數臺。

臺中寶樓千萬億，臺側百億寶幢圍。

願共諸眾生，往生安樂國。

<sup>4</sup>南無至心歸命禮西方阿彌陀佛。

讚虛空莊嚴

一一臺上虛空中，莊嚴寶樂亦無窮。

八種清風尋光出，隨時鼓樂應機音。

機音正受稍為難，行住坐臥攝心觀。

唯除睡時常憶念，三昧無為即涅槃。

願共諸眾生，往生安樂國。

讚寶樹觀一

<sup>5</sup>南無至心歸命禮西方阿彌陀佛。

寶國寶林諸寶樹，寶華寶葉寶根莖。  
或以千寶分林異，或有百寶共成行。  
行行相當葉相次，色各不同光亦然。  
等量齊高三十萬，枝條相觸說無生。  
願共諸眾生，往生安樂國。

<sup>6</sup>南無至心歸命禮西方阿彌陀佛。

讚寶樹觀二

七重羅網七重宮，綺互迴光相映發。  
化天童子皆充滿，瓔珞輝光超日月。  
行行寶葉色千般，華敷等若旋金輪。  
果變光成眾寶蓋，塵沙佛剎現無邊。  
願共諸眾生，往生安樂國。

<sup>7</sup>南無至心歸命禮西方阿彌陀佛。

讚寶池觀

寶池寶岸寶金沙，寶渠寶葉寶蓮華。  
十二由旬皆正等，寶羅寶網寶欄巡。  
德水分流尋寶樹，聞波睹樂證恬泊。  
寄言有緣同行者，努力翻迷還本家。  
願共諸眾生，往生安樂國。

<sup>8</sup>南無至心歸命禮西方阿彌陀佛。

讚寶樓觀

一金繩界道上，寶樂寶樓千萬億。  
諸天童子散香華，他方菩薩如雲集。  
無量無邊無能計，稽首彌陀恭敬立。  
風鈴樹響遍虛空，歎說三尊無有極。  
願共諸眾生，往生安樂國。

<sup>9</sup>南無至心歸命禮西方阿彌陀佛。

讚華座觀

彌陀本願華王座，一切眾寶以為成。

讚像觀

臺上四幢張寶縵，彌陀獨坐顯真形。  
真形光明遍法界，蒙光觸者心不退。  
晝夜六時專想念，終時快樂如三昧。  
願共諸眾生，往生安樂國。

<sup>10</sup>南無至心歸命禮西方阿彌陀佛。

彌陀身心遍法界，影現眾生心想中。  
是故勸汝常觀察，依心起想表真容。  
真容寶像臨華座，心開見彼國莊嚴。  
寶樹三尊華遍滿，風鈴樂響與文同。  
願共諸眾生，往生安樂國。

<sup>11</sup>南無至心歸命禮西方阿彌陀佛。

讚真身觀  
唯攝念佛  
彌陀身色如金山，相好光明照十方；  
唯有念佛蒙光攝，當知本願最為強。

六方佛證  
十地自然

六方如來舒舌證，專稱名號至西方；  
到彼華開聞妙法，十地願行自然彰。  
願共諸眾生，往生安樂國。

讚觀音觀

<sup>12</sup>南無至心歸命禮西方阿彌陀佛。

觀音菩薩大慈悲，已得菩提捨不證。  
一切五道內身中，六時觀察三輪應。  
應現身光紫金色，相好威儀轉無極。  
恆舒百億光王手，普攝有緣歸本國。  
願共諸眾生，往生安樂國。

攝歸本國

<sup>13</sup>南無至心歸命禮西方阿彌陀佛。

讚勢至觀  
光攝有緣

勢至菩薩難思議，威光普照無邊際。  
有緣眾生蒙光觸，增長智慧超三界。  
法界傾搖如轉蓬，化佛雲集滿虛空。

普勸有緣常憶念，永絕胞胎證六通。  
願共諸眾生，往生安樂國。

<sup>14</sup>南無至心歸命禮西方阿彌陀佛。

正坐跏趺入三昧，想心乘念至西方。  
睹見彌陀極樂界，地上虛空七寶莊。  
彌陀身量極無邊，重勸眾生觀小身。  
丈六八尺隨機現，圓光化佛等前真。  
願共諸眾生，往生安樂國。

<sup>15</sup>南無至心歸命禮西方阿彌陀佛。

上輩上行上根人，求生淨土斷貪瞋。  
就行差別分三品，五門相續助三因。  
一日七日專精進，畢命乘臺出六塵。  
慶哉難逢今得遇，永證無為法性身。



願共諸眾生，往生安樂國。

<sup>16</sup>南無至心歸命禮西方阿彌陀佛。

讚中輩觀

中輩中行中根人，一日齋戒處金蓮。

孝養父母教迴向，為說西方快樂因。

佛與聲聞眾來取，直到彌陀華座邊。

百寶華籠經七日，三品蓮開證小真。

願共諸眾生，往生安樂國。

<sup>17</sup>南無至心歸命禮西方阿彌陀佛。

讚下輩觀

下輩下行下根人，十惡五逆等貪瞋。

造惡

四重偷僧謗正法，未曾慚愧悔前愆。

苦相

終時苦相如雲集，地獄猛火罪人前。

念佛

忽遇往生善知識，急勸專稱彼佛名。

來迎

化佛菩薩尋聲到，一念傾心入寶蓮。

發心

三華障重開多劫，於時始發菩提因。  
願共諸眾生，往生安樂國。

<sup>18</sup>南無至心歸命禮西方阿彌陀佛。

彌陀佛國能所感，西方極樂難思議。  
渴聞般若絕思漿，念食無生即斷饑。  
一切莊嚴皆說法，無心領納自然知。  
七覺華池隨意入，八背凝神會一枝。  
無量菩薩為同學，性海如來盡是師。  
彌陀心水沐身頂，觀音勢至與衣被。  
歟爾騰空遊法界，須臾授記號無為。  
如此逍遙無極處，吾今不去待何時？  
願共諸眾生，往生安樂國。

<sup>19</sup>南無至心歸命禮西方阿彌陀佛。

重請攝護

哀愍覆護我，令法種增長，  
此世及後生，願佛常攝受。

願共諸眾生，往生安樂國。

禮極樂聖眾

<sup>20</sup>南無至心歸命禮西方極樂世界觀音、勢至、諸菩薩清淨大海眾。

願共諸眾生，往生安樂國。

(二) 懺悔

普為師僧、父母，及善知識、法界眾生，斷除三障，同得往生  
阿彌陀佛國，歸命懺悔。

1. 懺悔方軌

上二品懺悔、發願等同前。須要中要取初，須略中略取中，須廣中廣  
取下。其廣者，就實有心願生者而勸。

或對四眾，或對十方佛，或對舍利、尊像、大眾，或對一人，若獨自  
等；又向十方盡虛空三寶，及盡眾生界等，具向發露懺悔。

懺悔有三品：上、中、下。

三品懺悔

上品懺悔者，身毛孔中血流，眼中血出者，名上品懺悔。

上根得益  
下根無益

真心益同

廣懺  
懺悔文

(1) 對尊境

(2) 舉罪體

① 殺生

② 偷盜

中品懺悔者，遍身熱汗從毛孔出，眼中血流者，名中品懺悔。

下品懺悔者，遍身徹熱，眼中淚出者，名下品懺悔。

此等三品，雖有差別，即是久種解脫分善根人，致使今生敬法重人，不惜身命，乃至小罪若懺，即能徹法徹髓。能如此懺者，不問久近，所有重障，頓皆滅盡。若不如此，縱使日夜十二時急走，眾是無益，若不作者，應知。

雖不能流淚、流血等，但能真心徹到者，即與上同。

敬白十方諸佛、十二部經、諸大菩薩、一切賢聖，及一切天龍八部、法界眾生、現前大眾等，證知我（某甲）發露懺悔，從無始以來，乃至今身：

殺害一切三寶師僧、父母六親眷屬、善知識、法界眾生，不可知數；

偷盜一切三寶師僧、父母六親眷屬、善知識、法界眾生物，不可

知數；

③ 邪淫

於一切三寶師僧、父母六親眷屬、善知識、法界眾生上起邪心，

不可知數；

④ 妄語

妄語欺誑一切三寶師僧、父母六親眷屬、善知識、法界眾生，不

可知數；

⑤ 綺語

綺語調弄一切三寶師僧、父母六親眷屬、善知識、法界眾生，不

可知數；

⑥ 惡口

惡口罵辱、誹謗、毀訾一切三寶師僧、父母六親眷屬、善知識、

法界眾生，不可知數；

⑦ 兩舌

兩舌鬥亂破壞一切三寶師僧、父母六親眷屬、善知識、法界眾生，

不可知數；

⑧ 破戒

或破五戒、八戒、十戒、十善戒、二百五十戒、五百戒、菩薩三

聚戒、十無盡戒，乃至一切戒，及一切威儀戒等，自作教他，見作隨

喜，不可知數。

(3) 明無邊

如是等眾罪，大地無邊，微塵無數，我等作罪亦復無數；虛空無邊，我等作罪亦復無邊；方便無邊，我等作罪亦復無邊；法性無邊，我等作罪亦復無邊；法界無邊，我等作罪亦復無邊；眾生無邊，我等劫奪、殺害亦復無邊；三寶無邊，我等侵損、劫奪、殺害亦復無邊；戒品無邊，我等毀犯亦復無邊。

如是等罪，上至諸菩薩，下至聲聞、緣覺，所不能知；唯佛與佛乃能知我罪之多少。

唯佛知我  
罪之多少

(4) 正懺悔

今於三寶前，法界眾生前，發露懺悔，不敢覆藏。唯願十方三寶，法界眾生，受我懺悔，憶我清淨。始從今日，願共法界眾生，捨邪歸正，發菩提心，慈心相向，佛眼相看，菩提眷屬，作真善知識，同生阿彌陀佛國，乃至成佛，如是等罪，永斷相續，更不敢作。

(5) 更發願

懺悔已，至心歸命阿彌陀佛。廣懺竟

(6) 結歸命彌陀

(三) 臨睡入觀法  
願前方便

若入觀及睡眠時，應發此願（若坐若立，一心合掌，正面向西，十聲稱阿彌陀佛、觀音、勢至、諸菩薩、清淨大海眾竟）：

願往生

弟子某甲，現是生死凡夫，罪障深重，輪迴六道，苦不可言。今日遇善知識，得聞彌陀本願名號，一心稱念，求願往生，願佛慈悲，不捨本弘，誓願攝受。弟子不識彌陀佛身相光明，願佛慈悲，示現弟子身相，觀音、勢至、諸菩薩等，及彼世界清淨莊嚴光明等相。

願見佛

道此語已，一心正念，即隨意入觀及睡。或有正發願時即得見之，或有睡眠時得見，除不至心。此願比來大有現驗。

參、後序

結歸本願念佛  
念佛現益問答  
減罪益

問曰：稱、念、禮、觀阿彌陀佛，現世有何功德利益？

答曰：若稱阿彌陀佛一聲，即能除滅八十億劫生死重罪；禮、念以下亦如是。

護念益

《十往生經》云：若有眾生，念阿彌陀佛願往生者，彼佛即遣二

十五菩薩擁護行者；若行，若坐，若住，若臥，若晝，若夜，一切時，一切處，不令惡鬼惡神得其便也。

護念益

又如《觀經》（意）云：若稱、禮、念阿彌陀佛，願往生彼國者，彼佛即遣無數化佛，無數化觀音、勢至菩薩，護念行者；復與前二十五菩薩等，百重千重圍繞行者，不問行住坐臥，一切時處，若晝若夜，常不離行者。今既有斯勝益可憑，願諸行者，各須至心求往。

結益勸往

攝生益

又如《無量壽經》（意）云：

四十八字釋

若我成佛，十方眾生，稱我名號，下至十聲，若不生者，不取正覺；彼佛今現，在世成佛，當知本誓，重願不虛，眾生稱念，必得往生。

重願不虛  
稱念必生  
攝生益

又如《彌陀經》云：「若有眾生，聞說阿彌陀佛，即應執持名號，若一日，若二日，乃至七日，一心稱佛不亂；命欲終時，阿彌陀佛與諸聖眾，現在其前；此人終時，心不顛倒，即得往生彼國。佛告舍利



證生益  
釋迦證誠  
諸佛證誠

弗：我見是利，故說是言。若有眾生，聞是說者，應當發願，願生彼國」。次下說云：「東方如恆河沙等諸佛，南、西、北方及上、下，一一方如恆河沙等諸佛，各於本國出其舌相，遍覆三千大千世界，說誠實言：汝等眾生，皆應信是一切諸佛所護念經。」

證誠護念

云何名護念？若有眾生稱念阿彌陀佛，若七日及一日，下至十聲，乃至一聲、一念等，必得往生；證誠此事，故名《護念經》。次下文云：若稱佛往生者，常為六方恆河沙等諸佛之所護念，故名《護念經》。

擁護護念

結勸勵生

今既有此增上誓願可憑，諸佛子等，何不勵意去也！

往生禮讚偈